

## ԱՊՐԻԼԸ ԵՆԿ-Ի ՀԵՏ



### «ՀԱՅԱՍՏԱՆՈՒՄԲԱՑ ԵՐԻՏԱՍԱՐԴԱԿԱՆ ԱՇԽԱՏԱՆՔԻ ՃԱՆԱԶՈՒՄ» ԾՐԱԳԻՐ



«Հայաստանում բաց երիտասարդական աշխատանքի ճանաչում» ծրագրի շրջանակներում երիտասարդական ոլորտի փորձագետ, ծրագրի ղեկավար Արթուր Նաջարյանը և երիտասարդական ոլորտում հանրային քաղաքականության փորձագետ Աննա Եղոյանը հանդիպում-քննարկումներ ունեցան երիտասարդական ոլորտի մի շարք ներկայացուցիչների հետ:

Հանդիպումների հիմնական նպատակն էր քննարկել ՀՀ-ում բաց երիտասարդական աշխատանքի մոդելի՝ որպես երիտասարդների հետ աշխատանքի արդյունավետ միջոցի, ներդրման հեռանկարները, ինչպես նաև հետագա համագործակցության հնարավոր ձևաչափերը:

### «UPSHIFT ՀԱՅԱՍՏԱՆ» ԴԵՌԱՅԱՆՆԵՐԻ ՉԱՐԳԱՑՄԱՆ և ՉՈՐԱԿՑՄԱՆ ԴԻԼՈՏԱՅԻՆ ԾՐԱԳԻՐ



Ապրիլի 14-ին Գյումրու տեխնոլոգիական կենտրոնում Յունիսեֆի «UPSHIFT Հայաստան» դեռահասների զարգացման և զորակցման պիլոտային ծրագրի շրջանակներում տեղի ունեցավ «Ծրագրերի նախագծում» թեմայով դասընթաց: Դասընթացին մասնակցում էին 46 պատանիներ Ծիրակի և Լոռու մարզերից:

Համայնքային երիտասարդական ծրագրային գաղափարների մրցույթի երկրորդ փուլ անցած 10 թիմերը վիճակահանության միջոցով ընտրեցին իրենց մենթորներին, որոնց աջակցությամբ մինչև մայիսի 5-ն աշխատելու են ծրագրային գաղափարների վրա՝ սահմանելով և հստակեցնելով նպատակները, խնդիրները, գործողությունները, պատասխանատուներին, առկա ու պահանջվող ռեսուրսները:

### «GET A BIKE, GET A LIFE» ԾՐԱԳԻՐ



Ինչպես գիտեք, ԵՆԿ ՀԿ-ն հունվարին հիմնադրել է սոցիալական ձեռնարկություն (ՍՁ), որը նպատակ ունի Գյումրիում զարգացնելու հեծանվավարության մշակույթ ու մատուցելու զբոսաշրջային մատչելի ծառայություններ:

Ձեռնարկությունը գործելու է BikeLife ապրանքանիշի ներքո: Ուրախալի է, որ հեծանվային մշակույթի զարգացման ցանկություն ունեն սաև այլ ակտիվ քաղաքացիներ, ովքեր ծրագրի ղեկավար Կարեն Տերտերյանի հետ միավորվել են ընդհանուր նախաձեռնության շուրջ:



Նախաձեռնության անդամները Գյումրիում հեծանվային երթուղիներ ունենալու հնարավորությունն ու հարակից հարցեր հստակեցնելու նպատակով ապրիլի 2-ին հանդիպել են Գյումրի համայնքի ղեկավարի առաջին տեղակալ պարոն Ռ. Սանոյանի հետ: Վերջինս ողջունել է նախաձեռնությունն ու համագործակցելու պատրաստակամություն է հայտնել: Նորությունների մասին կտեղեկացնենք առաջիկայում:

Ծրագրի շրջանակում ապրիլի 3-ին Կարեն Տերտերյանը փորձի ծանոթացման ճանաչողական այց է կատարել Վանաձորի «ՀԿ կենտրոն» և «Դիլիջանի զբոսաշրջային տեղեկատվական կենտրոն», ովքեր նմանատիպ ծրագրեր են իրականացնում: Քննարկվել են հեծանվային ծառայությունների մատուցման նրանց փորձին առնչվող մի շարք հարցեր, և որոշվել է ոլորտային համագործակցություն հաստատել կառույցների միջև:



Ապրիլի ընթացքում մշակվել է մեր ՍՁ-ի ծառայությունների փաթեթն ու պատրաստվել է պաշտոնական կայքը: Մոտ օրերս սպասեք դրանց շնորհանդեսին: Իսկ մինչ այդ միացե՛ք ՍՁ-ի [ֆեյսբուքին](#) և հետևե՛ք նորություններին սաև այնտեղ:

«Get a bike, get a life» ենթադրամաշնորհային ծրագիրն իրականացվում է Եվրոպական միության ֆինանսավորմամբ՝ Հայկական Բարեգործական Ընդհանուր Միության և Եվրասիա համագործակցություն հիմնադրամի ԶՀ Կամուրջ ծրագրի շրջանակներում:

## ERASMUS+ YOUTH. ՏԵՂԵԿԱՏՎԱԿԱՆ ԿԵՆՏՐՈՆ



Ապրիլի 10-ին Հայաստանում Erasmus+ Youth. Տեղեկատվական կենտրոնը Հայ-ռուսական համալսարանում կազմակերպեց տեղեկատվական հանդիպում, որին մասնակցեցին բուհի ուսանողները և համալսարանի պրոֆեսորադասախոսական անձնակազմը:

Հանդիպման ընթացքում Տեղեկատվական կենտրոնի հայաստանյան ղեկավար Արթուր Նաջարյանի և ծրագրի համակարգող Մարիամ Ղարաբյոզյանի կողմից ներկայացվեց Եվրամիության «Էրազմուս+ Երիտասարդություն» և «Եվրոպական համերաշխության կորպուս» ծրագրերի կողմից հայ երիտասարդներին, պետական և հասարակական կազմակերպությունների ներկայացուցիչներին ընձեռնվող կրթական ու վերապատրաստման հնարավորությունների մասին: Իսկ Չեխիայից ժամանած միջազգային կամավոր Մարտինա Ջորնիչկովան ներկաների հետ կիսվեց կամավորական ծրագրին մասնակցության իր հաջողված փորձով:

## «ՈՒՐԲԱԹՅՈՒՅԱ ՍՐՃԱՐԱՆ»



Ապրիլի 12-ին տեղի ունեցավ հերթական «Ուրբաթոյա սրճարանը» ՝ այս անգամ թեման երաժշտութունն էր:

«Ուրբաթոյա սրճարանին» հատուկ ջերմ մթնոլորտում մասնակիցները սովորեցին Էստոնական, Չեխական, Ֆրանսիական, Սլովակ ու Հայկական երգեր և ճաշակեցին ՄԵԿ ԲԱԺԱԿ ԵՐԱԺՇՏՈՒԹՅՈՒՆ:

Իսկ միջոցառումն ավելի երաժշտական ու սիրուն դարձրին «Ջրաներկ» երաժշտական խմբի հեղինակային երգերը:

## «ԵՐԻՏԱՍԱՐԴՆԵՐԻ ՁԵՌՆԵՐԵՑՈՒԹՅԱՆ ՈՒՍՈՒՑՈՒՄԸ ՀՅՈՒՐԸՆԿԱԼՈՒԹՅԱՆ ԵՎ ՉԲՈՍԱԾՐՁՈՒԹՅԱՆ ՈԼՈՐՏՈՒՄ»



Վրաստանի Թելավի քաղաքում տեղի ունեցավ դասընթաց երիտասարդական աշխատողների համար, ովքեր ներգրավվելու են «Երիտասարդների ձեռներեցության ուսուցումը հյուրընկալության և զբոսաշրջության ոլորտում» երկարաժամկետ ծրագրում:

Հայաստանից ծրագրին մասնակցում էին ԵՆԿ անդամ և երիտասարդական աշխատող Մարիամ Սարիբեկյանը, Շիրակի տարածաշրջանային պետական քոլեջի դասախոս Արմինե Բաղդասարյանը, «Կանայք հանուն զարգացման» ՀԿ-ում ծրագրի օգնական Արփինե Նիկոյանը և «Սարապատը որպես տուրիստական հարթակ» նախաձեռնության անդամ Արման Գևորգյանը:

### ՇԱՐԺՈՒՆԱԿՈՒԹՅՈՒՆԸ ԵՆԿ-Ի ՀԵՏ



**Learn  
Develop  
Have fun  
See the world**

Այս ամիս ունեցել ենք շարժունակության մեկ հնարավորություն. Միջազգային երիտասարդական ֆորում ԱՊՀ երկրներում ընթերցանության իթանման թեմայով, որը տեղի կունենա հունիսի 23-ից 30-ին Տաջիկստանում:

Ընտրված մասնակիցների մասին կտեղեկացնենք ավելի ուշ:

## ԵՎՐՈՊԱԿԱՆ ԿԱՄԱՎՈՐԱԿԱՆ ԱՇԽԱՏԱՆՔ



Այրիլ ամսից սկսած ԵՆԿ-ում Եվրոպական կամավորական ծառայության կամավոր Պիա Կայ Սիլդը «Երիտասարդների տանը» իրականացնում է «Ձեռագործ աշխատանքների» ակումբ:

Այս ամսվա ընթացքում ունեցել ենք կարճաժամկետ Եվրոպական կամավորական աշխատանքի հնարավորություն Ֆրանսիայում և Լեհաստանում, ինչպես նաև երկարաժամկետ Եվրոպական կամավորական աշխատանքի հնարավորություն Լեհաստանում:

Ընտրված մասնակաիցների մասին կտեղեկացնենք շուտով:



Ինչպես մյուս բոլոր ամիսները, ապրիլը ևս հազեցած էր կենտրոնում: Շարունակվում են երաժշտական, անգլերենի, քննարկումների և յոգայի ակումբները: Ավարտվեց համակարգչային ակումբը , որի մասնակիցները ներկայացրեցին իրենց ստեղծած վեբկայքերը: Իսկ ԵՆԿ ԵԿԾ կամավոր Պիա Կայի Սիլոի կողմից մեկնարկեց «Արվեստի ակումբը»:

«Բիզնեսի շաբաթվա» ընթացքում պատանիները ծանոթացան սոցիալական ձեռնարկատիրության առանձնահատկություններին:

Յունիսեֆի «UPSHIFT Հայաստան» դեռահասների զարգացման և զորակցման պիլոտային ծրագրի շրջանակներում ընտրված լավագույն ծրագրային գաղափարներից մեկը ներկայացվել է «Երիտասարդների տան» սաների կողմից, ովքեր և մասնակցեցին «Ծրագրերի նախագծում» թեմայով դասընթացին :

Այս ամիս պատանիները հնարավորություն ունեցան ճանաչողական այցով լինել «Մկրտչյան արվեստի կենտրոնում» , որտեղ արվեստագետ Մարի Մկրտչյանը տեղում պատանիներին ծանոթացրեց իր կողմից պատրաստված ձեռքի աշխատանքներին և ասեղնագործ դիմանկարներին:

HayAr Jewellery հայկական զարդերի արվեստանոցում կազմակերպվեց ուսումնական այց, որտեղ Արտակ Թադևոսյանը պատանիներին ներկայացրեց զարդերի խորհուրդն ու կիսվեց ստեղծագործական նրբություններով:

ՀՀ քաղաքացու օրվա առիթով Ա.Դ. Սախարովի անվան մարդու իրավունքների պաշտպանության հայկական կենտրոնում պատանիները զրույց-քննարկում ունեցան իրավապաշտպան Սեյրան Մարտիրոսյանի հետ:



Քաղաքացու օրվան ընդառաջ ՀՀ աշխատանքի և սոցիալական հարցերի նախարարի կողմից 14-18 տարեկան պատանիների շրջանում հայտարարված մրցույթի հաղթող ընտրված «Երիտասարդների տան» սան Լիլիթ Մուրադյանին ընձեռնվեց հնարավորություն հանդիպել նախարարի հետ, շրջել նախարարության ստորաբաժանումներում և ծանոթանալ դրանց աշխատանքին:

«Երիտասարդների տան» թվով 20 պատանիներ Ծիծեռնակաբերդի հուշահամալիրում մասնակցեցին «Ծաղկահավաք» ամենամյա միջոցառմանը:

«Հայաստանում բաց երիտասարդական աշխատանքի ճանաչում» ծրագրի շրջանակներում ճանաչողական այցով կենտրոն հյուրընկալվեցին Սպիտակ համայնքի ղեկավար Գագիկ Սահակյանը և Սպիտակի համայնքապետարանի աշխատակազմի ղեկավար Անահիտ Գյուլազյանը:

Կենտրոնում ճանաչողական այց և գործնական դաս անցկացրին ՇՊՀ սոցիոլոգիա բաժնի ուսանողները, ովքեր ծանոթացան «Երիտասարդների տան» գործունեությանն ու երիտասարդական աշխատանքի մեթոդաբանությանը:

«Երիտասարդների տան» բակում կենտրոնի երիտասարդների ու աշխատակիցների կողմից իրականացվեց ծառատունկ, որի շրջանակներում կենտրոնի տարածքում տնկվեցին գեղեցիկ ծառեր, որոնք տրամադրվել էին «ԷյթիՓի» բարեգործական հիմնադրամի կողմից: